



სსიპ – საქართველოს შოთა რუსთაველის თეატრისა და კინოს სახელმწიფო უნივერსიტეტი

ელექტრონული ტენდერის საშუალებით სარემონტო-სარეაბილიტაციო
სამუშაოების შესყიდვა

CPV: 45400000

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე

1. ინსტრუქცია ტენდერში მონაწილეთათვის

ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქტაჟი შესაძლებელია ასევე იხილოთ: <http://procurement.gov.ge>

2. საკვალიფიკაციო მოთხოვნები

2.1 საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

ბ) ცნობა საჯარო რეესტრის ეროვნული სააგენტოდან, საჯარო სამართლებრივი შეზღუდვის არ არსებობის შესახებ;

გ) ცნობა შემოსავლების სამსახურიდან ბიუჯეტის წინაშე დავალიანების არ არსებობის შესახებ.

2.1.2 ფიზიკური პირებისათვის:

ა) პირადობის მოწმობის (ან პასპორტის) ან/და გადასახადის გადამხდელის სარეგისტრაციო მოწმობის ასლები;

ბ) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

2.2 ადმინისტრაციული ორგანოებიდან წარმოსადგენი საკვალიფიკაციო მონაცემ(ებ)ის დამადასტურებელი დოკუმენტ(ებ)ი გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტ(ებ)ი გაცემული უნდა იყოს ზემოხსენებული ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3 საკვალიფიკაციო მონაცემების დამადასტურებელი დოკუმენტების ასლები შემსყიდველ ორგანიზაციას წარედგინება სისტემის მეშვეობით.

შენიშვნა: სახელმწიფო შესყიდვების სააგენტოს თეთრ სიაში დარეგისტრირებული მიმწოდებელი თავისუფლდება ელექტრონულ ტენდერში საკვალიფიკაციო მონაცემების დამადასტურებელი დოკუმენტების წარდგენის ვალდებულებისაგან.

3. ტექნიკური დავალება

3.1 შესყიდვის ობიექტი: ქ. თბილისში, რუსთაველის გამზ. №19-ში მდებარე უნივერსიტეტის I კორპუსში ჩასატარებელი სარემონტო-სარეაბილიტაციო სამუშაოები.

3.2 სამუშაოების დასრულების ვადები: არაუგვიანეს ხელშეკრულების გაფორმებიდან 210 (ორას ათი) კალენდარული დღისა.

3.3 დაფინანსების წყარო: უნივერსიტეტის 2015 და 2016 წლის საბიუჯეტო ასიგნებები.

- 2015 წლის საბიუჯეტო ასიგნებებიდან ასანაზღაურებელი თანხა შეადგენს არაუმეტეს 500 000.00 (ხუთასი ათასი) ლარს, მიუხედავად შესრულებული სამუშაოების მოცულობისა, ხოლო დარჩენილი თანხის ანაზღაურება განხორციელდება უნივერსიტეტის 2016 წლის საბიუჯეტო ასიგნებებიდან.

3.4 მიმწოდებელი ვალდებულია სარემონტო-სარეაბილიტაციო სამუშაოს შესრულება განახორციელოს **ხარჯთაღრიცხვისა და პროექტის** შესაბამისად (ხარჯთაღრიცხვა, ასევე პროექტი სატენდერო დოკუმენტაციასთან ერთად ატვირთულია სახელმწიფო შესყიდვების ერთიან ელექტრონულ სისტემაში)

3.5 ხარჯთაღრიცხვასა და პროექტში მოცემული ძირითადი მოწყობილობებისა და დანადგარების ტექნიკური და ხარისხობრივი მაჩვენებლები უნდა იყოს მოცემული მახასიათებლების მზგავსი, ეკვივალენტური.

3.6 აუცილებელი პირობა:

ა) ტენდერში გამოყენებული იქნება **ხელშეკრულების უზრუნველყოფის საბანკო გარანტია** (გაცემული საბანკო ან სადაზღვევო დაწესებულების მიერ), ხელშეკრულების საერთო ღირებულების 5%-ის ოდენობით, ხელშეკრულების უზრუნველყოფის საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღმატებოდეს ხელშეკრულების მოქმედების ვადას.

ბ) ტენდერში მონაწილე პრეტენდენტს 2012 წლის 1 აგვისტოდან – წინამდებარე ტენდერისთვის „წინადადებების მიღება დამთავრებულია“ სტატუსის მინიჭებამდე პერიოდში საჭიროა ჰქონდეს შესრულებული მინიმუმ 3 000 000.00 (სამი მილიონი) ლარის ოდენობის ანალოგიური ხასიათის, სირთულის და შინაარსის სამუშაოები (სამშენებლო სამუშაოები და/ან შენობის რეაბილიტაცია). მათ შორის ერთი ხელშეკრულების ფარგლებში შესრულებული უნდა ჰქონდეს არანაკლებ 500 000.00 (ხუთასი ათასი) ლარის ღირებულების ანალოგიური სამუშაო. პრეტენდენტმა უნდა წარმოადგინოს ტენდერით გათვალისწინებული ანალოგიური ხასიათის, სირთულის და შინაარსის სამუშაოებზე გაფორმებული ხელშეკრულებების და ამ სამუშაოების დასრულების დამადასტურებელი დოკუმენტის ასლები (სამუშაოების შესრულების აქტი, ან/ და შესრულებული სამუშაოების მიღება-ჩაბარების აქტი, ან/ და დამკვეთის მიერ გაცემული შესრულებული სამუშაოების დამადასტურებელი ცნობა).

გ) სამუშაოების შესრულებისას გამოყენებული სხვადასხვა მასალები და მოწყობილობები უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს;

დ) სამუშაოების შესრულების პროცესში გამოყენებული მასალების ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) უნდა შეთანხმდეს შემსყიდველი მხარის ინსპექტირების წარმომადგენელთან/წარმომადგენლებთან.

ე) მიმწოდებელმა უნდა წარმოადგინოს ძირითადი მასალის შესახებ ინფორმაცია: მწარმოებელი ქვეყანა, მარკა და მოდელი.

ვ) სამუშაოების ჩატარებისას მიმწოდებელი ვალდებულია დაიცვას კანონმდებლობით, მათ შორის, სამშენებლო რეგლამენტებით გათვალისწინებული მოთხოვნები და ნორმები.

ზ) 3.5 პუნქტის „ვ“ ქვეპუნქტის დარღვევის შემთხვევაში მიმწოდებელს დაეკისრება კანონმდებლობით გათვალისწინებული პასუხისმგებლობა.

თ) მიმწოდებელმა მინიმუმამდე უნდა დაიყვანოს მუშაობით გამოწვეული ხმაურის, ვიბრაციის და მტვერის გავლენა გარემოზე. ასევე საკუთარი სახსრებით უნდა მოაწყოს საჭირო დამცავი ბარიერები (სხვა სამუშაო სივრცის გამოსაყოფად) შემსყიდველთან შეთანხმებით.

ი) სამუშაოების დასრულების შემდეგ თითოეულ ეტაპზე, საკუთარი სახსრებით უნდა უზრუნველყოს სამუშაო არეალის დასუფთავება და დალაგება.

კ) მიმწოდებელმა სამუშაოების მიმდინარეობის პერიოდში არ უნდა მოახდინოს სარემონტო პერიმეტრის გარეთ, ტერიტორიების დაბინძურება.

ლ) შემოთავაზებული ფასი უნდა მოიცავდეს სამუშაოების სრულყოფილად შესრულებასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

მ) მიმწოდებელი ვალდებულია სარემონტო-სარეაბილიტაციო სამუშაოების დასრულების შემდეგ ასევე შუალედური აქტის წარმოდგენის დროს საკუთარი სახსრებით წარმოადგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული პირის მიერ გაცემული ექსპერტიზის დასკვნა, შესრულებული სამუშაოების ხარისხისა და სახარჯთაღრიცხვო დოკუმენტაციის სატენდერო დოკუმენტაციით გათვალისწინებული მოთხოვნების შესაბამისობაზე.

ნ) სახელშეკრულებო თანხის ანაზღაურება განხორციელდება (შესაძლებელია ეტაპობრივად) შესრულებული სამუშაოების შესაბამისად მხარეებს შორის გაფორმებული აქტის და მასზედ წარმოდგენილი სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული პირის მიერ გაცემული ექსპერტიზის დასკვნის საფუძველზე, დასკვნის წარმოდგენიდან 15 (თხუთმეტი) სამუშაო დღის განმავლობაში.

ო) იმ შემთხვევაში თუ პრეტენდენტი არ მიუთითებს გაუთვალისწინებელ ხარჯს იმ პროცენტული ოდენობით, რა პროცენტული ოდენობაც მითითებულია შემსყიდველის მიერ დეფექტურ აქტში, მოხდება პრეტენდენტის დისკვალიფიკაცია.

პ) პრეტენდენტმა ხარჯთაღრიცხვის შედგენისას უნდა გაითვალისწინოს საქართველოს მთავრობის „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის დამტკიცების შესახებ“ 2014 წლის 14 იანვრის დადგენილება N55-ით გათვალისწინებული მოთხოვნები.

ჟ) მიმწოდებელი ვალდებულია სამშენებლო სამუშაოების მთელ პერიოდზე მოხმარებული წყლის და ელექტრო ენერგიის საფასურის ანაზღაურება უზრუნველყოს საკუთარი სახსრებით. რისთვისაც უნდა უზრუნველყოს მრიცხველების დროებითი მონტაჟი შემსყიდველთან შეთანხმებით.

რ) შესრულებულ სარემონტო-სარეაბილიტაციო სამუშაოებზე უნდა ვრცელდებოდეს გარანტია, სამუშაოების დროს მიმწოდებლის მიერ დაშვებული შეცდომების ან/და სამუშაოების დროს გამოყენებული უხარისხო მასალის გამო დაზიანების შემთხვევაში მიმწოდებელი ვალდებულია უზრუნველყოს აღნიშნული ხარვეზის საკუთარი სახსრებით აღმოფხვრა.

• **საგარანტიო ვადები:**

N	სამუშაოს დასახელება	საგარანტიო პერიოდი
1	შიდა სამუშაოები	5 (ხუთი) წელი
2	გათბობის სამუშაოები	3 (სამი) წელი
3	ელ.სამონტაჟო სამუშაოები	5 (ხუთი) წელი
4	ვენტილაცია-კონდირების სამუშაოები	3 (სამი) წელი
5	სუსტი დენები	3 (სამი) წელი
6	კონსტრუქციული ნაწილი	30 (ოცდაათი) წელი

ს) იმ შემთხვევაში თუ, ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა უნდა დაასაბუთოს ფასწარმოქმნის ადეკვატურობა. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დადასტურდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. შემსყიდველი ორგანიზაცია უფლებამოსილია, დასაბუთებული გადაწყვეტილებით, უარი თქვას ფასწარმოქმნის ადეკვატურობის დასაბუთების მოთხოვნაზე.

ტ) მიმწოდებელმა სარემონტო სამუშაოების შედეგად მიღებული, დემონტირებული გამოყენებადი და ბალანსზე არსებული მასალა უნდა დაასაწყობოს შემსყიდველის მიერ მითითებულ ტერიტორიაზე.

3.6 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

ა) ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი;

ბ) შესასრულებელი სამუშაოების ხარჯთაღრიცხვა სისტემაში ატვირთული ხარჯთაღრიცხვის შესაბამისად;

გ) სარემონტო-სარეაბილიტაციო სამუშაოების მიმდინარეობის გეგმა-გრაფიკი;

დ) ინფორმაცია ანალოგიური გამოცდილების შესახებ.

ე) ინფორმაცია ძირითადი მასალის შესახებ მწარმოებელი ქვეყანა, მარკა და მოდელი.

3.7 სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის ა-ბ ქვეპუნქტებში განსაზღვრულ მოთხოვნებზე:

ა) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.

ბ) სარემონტო-სარეაბილიტაციო სამუშაოები განხორციელდება სატენდერო დოკუმენტაციის „3“-ე (ტექნიკური დავალება) პუნქტში მითითებული ყველა მოთხოვნის დაცვით.

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება სულ მცირე 160 კალენდარული დღით ტენდერისათვის „წინადადებების მიღება დაწყებულია“ სტატუსის მინიჭების ეტაპიდან.

სატენდერო საფასურის ოდენობა შეადგენს 50 ლარს.

შენიშვნა: ელექტრონული გარანტიის ბენეფიციარი/მიმღები არის სააგენტო. ელექტრონული გარანტიის სააგენტოსთვის წარდგენა და საფასურის გადახდა ხორციელდება სისტემაში არსებული ავტომატური საშუალებების მეშვეობით. ელექტრონული გარანტიისა და საფასურის წარდგენა ხდება ტექნიკური დოკუმენტაციის სისტემაში ატვირთვამდე.

პრეტენდენტს არა აქვს უფლება წარმოადგინოს ალტერნატიული წინადადება.

მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართ N1-ში. დანართი N1-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.

დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან:

არჩილი წოწოლაშვილი ტელ: + 995 5 91 93 50 50; ელ-ფოსტა: a.wowolashvili@gmail.com

გიორგი სალაღიშვილი ტელ: + 995 5 93 00 21 21; ელ-ფოსტა: giorgi.salaghishvili@gmail.com

მის: ქ.თბილისი, რუსთაველის გამზ. N19

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში პონაწილეობის მიღებას მიზნით, ვადასტურებ, რომ ჩემს მიერ წარმოდგენილი სატენდერო წინადადება შეუშავებელია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, სულს მოვასწერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომელია ხელმოწერაზე დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მაზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო ხახადადების გახზობა წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პარამეტრები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინააღმდეგ განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის პომენტამდე.

გავცეანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოდგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციასა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-ამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

წინამდებარე დოკუმენტსა და სატენდერო დოკუმენტაციით განსაზღვრულ მოთხოვნებს შორის შეუსაბამობის არსებობის შემთხვევაში უპირატესობა ენიჭება სატენდერო დოკუმენტაციის ტექნიკური დავალებით განსაზღვრულ მოთხოვნებს.

ხელშეკრულება სახელმწიფო შესყიდვის შესახებ N -----

ქ. თბილისი

----- 2015 წ.

ერთის მხრივ, სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“ შემდგომში „შემსყიდველი“, ადმინისტრაციის ხელმძღვანელის მოვალეობის შემსრულებლის ----- სახით, რომელიც მოქმედებს საქართველოს კანონმდებლობის საფუძველზე და მეორეს მხრივ ----- შემდგომში „მიმწოდებელი“, ----- სახით, რომელიც ასევე მოქმედებს საქართველოს კანონმდებლობის საფუძველზე, გამარტივებული ელექტრონული შესყიდვის საშუალებით დებენ წინამდებარე ხელშეკრულებას შემდეგზე;

1. ხელშეკრულების საგანი

1.1 მიმწოდებელი იღებს ვალდებულებას ამ ხელშეკრულების პირობების თანახმად გაუწიოს შემსყიდველს **სარემონტო-სარეაბილიტაციო სამუშაოები** ამ ხელშეკრულების N1 დანართის (სახელმწიფო შესყიდვების ერთიან ელექტრონულ სისტემაში ატვირთული ხარჯთაღრიცხვა და პროექტი) შესაბამისად.

1.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

2. ფასი და გადახდის პირობები

2.1 წინამდებარე ხელშეკრულების საერთო ღირებულება შეადგენს: -----
ლარს;

2.2 მომსახურების ერთეულის ფასი და ხელშეკრულების საერთო ღირებულება შეიცავს მიმწოდებლის ყველა ხარჯებს, დაკავშირებულს მომსახურების მიწოდებასთან, ასევე კანონით გათვალისწინებულ გადასახადებს;

2.3 ხელშეკრულების საერთო ღირებულება უცვლელია ხელშეკრულების მოქმედების მთელ პერიოდში;

2.4 მოსახურების ღირებულების ანაზღაურება მოხდება მიღება-ჩაბარების აქტის, ანგარიშფაქტურის საფუძველზე მომსახურების მიწოდების შემდეგ.

3. ხარისხი

3.1 მომსახურების ხარისხი უნდა შეესაბამებოდეს ამ ხელშეკრულების 1.1 პუნქტით გათვალისწინებულ მაჩვენებლებს;

3.2 მიმწოდებელი პასუხს აგებს მიწოდებული მომსახურების ხარისხზე, ხოლო შემსყიდველი უფლებამოსილია ჩაატაროს ხარისხის კონტროლი მომსახურების მიწოდებიდან ----- (-----) სამუშაო დღის განმავლობაში, თუ ამ პერიოდში აღმოჩნდება უხარისხო (წუნდებული) მომსახურება მიმწოდებელი ვალდებულია არაუმეტეს 5 სამუშაო დღეში გამოასწოროს წუნდებული მომსახურება;

4. მიწოდების წესი

4.1 მომსახურების მიწოდებას უზრუნველყოფს მიმწოდებელი საკუთარი ხარჯებით არაუგვიანეს -----.

4.2 მიმწოდებელი ვალდებულია მომსახურების მიწოდებისას უზრუნველყოს თანმხლები დოკუმენტაციის წარმოდგენა, მათ შორის: ანგარიშ-ფაქტურა;

4.3 შემსყიდველი უფლებამოსილია მომსახურების მიწოდების დროს ჩაატაროს მომსახურების ხარისხის შემოწმება კონტროლი, რისთვისაც გამოყოფს უფლებამოსილ პირ(ებ)ს -----
----- რომელიც აგრეთვე უფლებამოსილია ჩაატაროს ხელშეკრულების პირობების შესრულების ინსპექტირება, ხოლო მიმწოდებელი ვალდებულია ხელი შეუწყოს ინსპექტირების ჩატარებას;

4.4 შემსყიდველი უფლებამოსილია განაცხადოს უარი დაგვიანებით მიწოდებული, ან უხარისხო (წუნდებული), ან არასათანადოთ ან არასრული თანხები დოკუმენტაციის მქონე მომსახურების მიღებაზე და მის ანაზღაურებაზე;

4.5 მომსახურების მიწოდება დასტურდება ორივე მხრის მიერ ხელმოწერილი მიღება-ჩაბარების აქტით;

5. ანგარიშსწორების წესი

5.1 შემსყიდველი იღებს ვალდებულებას გადაუხადოს მიმწოდებელს ამ ხელშეკრულებით განსაზღვრული ანაზღაურება მომსახურების მიწოდების შემდეგ ----- სამუშაო დღის განმავლობაში მიღება-ჩაბარების აქტის, ანგარიშ-ფაქტურის საფუძველზე, მასში აღნიშნული ოდენობის შესაბამისად;

5.2 ანგარიშსწორების ვალუტა - ლარი;

5.3 გადახდის ფორმა - უნაღდო ანგარიშსწორებით;

5.4 გადაცემის თარიღად ითვლება მიღება-ჩაბარების/შუალედური აქტის ხელმოწერის თარიღი.

6. გარანტია

შესრულებულ სარემონტო-სარეაბილიტაციო სამუშაოებზე ვრცელდება _____ წლიანი გარანტია, სამუშაოების დროს მიმწოდებლის მიერ დაშვებული შეცდომების ან/და სამუშაოების დროს გამოყენებული უხარისხო მასალის გამო დაზიანების შემთხვევაში მიმწოდებელი ვალდებულია უზრუნველყოს აღნიშნული ხარვეზის საკუთარი სახსრებით აღმოფხვრა.

7. ექსპერტიზა

მიმწოდებელი ვალდებულია სარემონტო-სარეაბილიტაციო სამუშაოების დასრულების შემდეგ ასევე შუალედური აქტის წარმოდგენის დროს **საკუთარი სახსრებით** წარმოადგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული პირის მიერ გაცემული ექსპერტიზის დასკვნა, შესრულებული სამუშაოების ხარისხისა და სახარჯთაღრიცხვო დოკუმენტაციის სატენდერო დოკუმენტაციით გათვალისწინებული მოთხოვნების შესაბამისობაზე.

8. მხარეთა პასუხისმგებლობა

8.1 თავიანთი ვალდებულებების არასათანადოდ შესრულების შემთხვევაში მხარეები პასუხს აგებენ ამ ხელშეკრულებითა და მოქმედი კანონმდებლობით გათვალისწინებული წესით;

8.2 შემსყიდველი უფლებამოსილია მიმწოდებლის მიზეზით ხელშეკრულებით დადგენილი მომსახურების მიწოდების ვადის დარღვევით მიწოდების შემთხვევაში, დააკისროს საურავი ყოველ გადაცილებულ დღეზე ხელშეკრულების საერთო ღირებულების 0,5%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, ვალდებულების შეუსრულებელი ნაწილის 0,5%-ის ოდენობით ყოველ გადაცილებულ დღეზე;

8.3 გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს საურავი ყოველ ვადაგადაცილებულ დღეზე გადაუხდელი თანხის 0,5%-ის ოდენობით;

8.4 მხარეები გამოიყენებენ ყველა შესაძლებლობას წარმოქმნილი უთანხმოების აღმოსაფხვრელად მოლაპარაკების გზით. უთანხმოების მოლაპარაკების გზით აღმოფხვრის შეუძლებლობის შემთხვევაში მხარეები მიმართავენ სასამართლოს;

8.5 მხარეები არ აგებენ პასუხს ხელშეკრულების პირობების შესრულებაზე მხოლოდ მათგან დამოუკიდებელი სტიქიური უბედურების ან სხვა ფორს-მაჟორულ შემთხვევაში.

9. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა თუ დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10. სხვა უფლებები და ვალდებულებები

10.1 შემსყიდველი უფლებამოსილია არ მიიღოს მიწოდებული მომსახურება იმ შემთხვევაში, თუ აღმოჩნდება ნაკლოვანებები, რომლებიც გამორიცხავენ მომსახურების გამოყენებას დანიშნულებისამებრ;

10.2 იმ შემთხვევაში, თუ შემსყიდველი უარს განაცხადებს მიღება ჩაბარების აქტის ხელმოწერაზე, იგი ვალდებულია ----- (-----) დღის განმავლობაში წარუდგინოს მიმწოდებელს დასაბუთებული უარი, წინააღმდეგ შემთხვევაში მომსახურება ითვლება მიღებულად და ექვემდებარება ანაზღაურებას;

10.3 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში:

8.3.1. შემსყიდველის მიერ იმ შემთხვევაში, როდესაც მიმწოდებელი ვერ უზრუნველყოფს თავისი მიზეზით ხელშეკრულებით გათვალისწინებულ ხარისხიანი მომსახურების დადგენილ ვადებში მიწოდებას;

8.3.2. მიმწოდებლის მიერ იმ შემთხვევაში, როდესაც შემსყიდველი არ უზრუნველყოფს ხელშეკრულებით განსაზღვრული პირობების შესრულებას.

10.4 ხელშეკრულების დამრღვევი ერთი მხარე ვალდებულია წერილობით შეატყობინოს მეორე მხარეს ხელშეკრულების დარღვევის მიზეზებზე, საკითხის გადაწყვეტობის შემთხვევაში ხელშეკრულების გაუქმება ხდება ----- სამუშაო დღის ვადაში.

11. სხვა პირობები

11.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს _____

11.2 მხარეთა შორის სადაო საკითხები წყდება მხარეთა მოლაპარაკების გზით. 10 სამუშაო დღის განმავლობაში შეთანხმების მიუღწევლობის შემთხვევაში მხარეები მიმართავენ სასამართლოს;

11.3 ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით;

11.4 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა შეატყობინოს მეორე მხარეს 2 სამუშაო დღით ადრე;

11.5 ხელშეკრულების საერთო პირობები, მათ შორის ფორს-მაჟორისა და ინსპექტირების პირობები მიიღება „სახელმწიფო შესყიდვების განხორციელების წესის შესახებ“ დებულების შესაბამისად;

11.6 წინამდებარე ხელშეკრულება შედგენილია ორ თანაბარ იურიდიული ძალის მქონე ეგზემპლარად. ერთი ეგზემპლარი ინახება შემსყიდველთან, ხოლო მეორე მიმწოდებელთან.

12. მხარეთა იურიდიული მისამართები და ხელმოწერები:

„შემსყიდველი“	სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“
საიდენტიფიკაციო კოდი:	203851028
მისამართი:	ქ. თბილისი, რუსთაველის გამზ. N19
ტელეფონი:	
ბანკი:	
ბანკის კოდი (მფო):	
ანგარიშის N:	
„მიმწოდებელი“	
საიდენტიფიკაციო კოდი:	
მისამართი:	
ტელეფონი:	
ბანკი:	
ბანკის კოდი (მფო):	
ანგარიშის N:	

იურიდიული მისამართის ან/და საბანკო რეკვიზიტების შეცვლის შემთხვევაში მხარეები ვალდებული არიან 3 დღის ვადაში წერილობით აცნობონ ერთმანეთს ამის შესახებ.

„შემსყიდველი“

„მიმწოდებელი“

სსიპ „საქართველოს შოთა რუსთაველის
თეატრისა და კინოს სახელმწიფო
უნივერსიტეტი“
